

Өөнийн төмдгэллэгн

3190
н6
хл

1959 жилийн сентябрь сарын 25-д, бичээч Сэн-Белгийн Хаср төрдж гарад, 50 жил болсн болн эн, урн үгин көдлмшт өклдж көдлэд, 30 жил болсн өөнд нерэдгдсн бичээчнрин болн журналмстнрин хурт болв.

Хурт Сэн-Белгийн Хасрин урн үгин тускар, 30 жилийн туршарт үнн седжлэрн кесн көдлмшин тускар, хальмг урн келнэ литератур өөдлүлгэнд ямр икэр орлицж йовсинь, цуглрсн улс тодидж, сэн үтэр келцхäv.

Хурт деер бичээч Сэн-Белгийн Хасрд, 30 жилд билглтч үүлдвринь төмдглад, 50 жилийн өөnlэнь залгылдулдж ачлсн, Хальмг АССР-н Деед Советин Президиумин Күндлгнэ грамот өгтдв.

Бичээч Сэн-Белгийн Хасрин 50-насна өөнийн йөрөдж, олн жилд амд бөөдж, бас чигн сэн үзмджтэ, билгтэ, урн-үгин үүлдвр делдх болтн гидж, Арэсэн Федерацин бичээчнрин Ницианэ правленя илгэсн байринь телеграмм умшгдв.

— Бичээч Сэн-Белгийнэ тэвн насна өөнийн болн гучн жилэ урн келнэ көдлмшинь йөрөдженэвдн. Гучн жилин туршарт, кесг дээч, урн келнэ билгтэ зокъялмуд Та, үүдэлэт.

Тана бичсн «Өнчн бөк» гидг поэм болн орсас хальмгт орчулсн А. С. Пушкинэ туульс амтнд иж гидгэр таасгдна.

Олн жилд өрүл-менд бөөдж, эврэннь төрскн литературиннь өслтд орлицжахитн өрдженэвдн,—гидж Хальмг АССР-н бичээчнрин Ницианэ правленэ нерн деерэс йөрөлин бичг ирв.

Бас чигн олн жилд менд йовдж, мана Советск хальмг литературин өслтд амэн арвлл угагьар орлицж йовтха гидж «Хальмг үнн», «Советская Балмыкия» газетсин редакце, Хальмг дегтр гаргьач, хальмг радио, хальмг багь бичээчнр, Хальмг АССР-н цуг олн бичээчнр болн журналистнр йөрөцхäv.

Сэн-Белгийн Хасрин кедж йовсн көдлмшин тускар бичээч Көктэн Эльдэ доклад кев.